

Normativa específica para o Programa de simultaneidade do Grao en Turismo e o Grao en Ciencias Empresariais

A Universidade da Coruña, no seu obxectivo de ofrecer alternativas de formación que melloren a oferta dispoñible, posibilita que un estudante poida cursar de forma simultánea os estudos de Grao en Turismo e Grao en Ciencias Empresariais, mediante a proposta dun programa conxunto elaborado pola Escola Universitaria de Turismo e pola Facultade de Economía e Empresa sobre os planos de estudos oficiais.

Para a posta en marcha do programa conxunto, resulta necesario regular determinados aspectos, nomeadamente:

Autorización do programa.

A Universidade da Coruña autoriza a posta en marcha dun programa de estudos proposto pola Escola Universitaria de Turismo e pola Facultade de Economía e Empresa que permita simultanear os estudos de Grao en Turismo e Grao en Ciencias Empresariais, (en diante Programa de Simultaneidade) mediante unha ordenación temporal das diferentes disciplinas que se van cursar a partir dos planos de estudos oficiais e tendo en conta o regulado nos artigos seguintes.

Art.2. *Titulacións que se obterán*

Os/as alumnos/as que superaren este programa de Simultaneidade grao en Turismo – grao en Ciencias Empresariais obterán os dous títulos oficiais de Graduado/a en Turismo pola UDC e Graduado/a en Ciencias Empresariais pola UDC.

Art.3. *Duración do programa*

Terá unha duración de dez cuatrimestres, en 5 cursos académicos. Onúmero de créditos necesario para superar o programa será de 354 ECTS, distribuídos da forma que se indica no ANEXO I.

Art.4. *Centro responsable das xestións administrativas do Programa de Simultaneidade*

Co fin de facilitar as distintas xestións administrativas, acórdase designar a Facultade de Economía e Empresa como centro responsable da tramitación e custodia do expediente académico do estudante; neste centro os estudantes aboarán os prezos públicos por servizos académicos que corresponden ao título de Grao en Ciencias Empresariais e de Grao en Turismo, sen prexuízo do que está disposto no artigo 12 desta normativa para o procedemento de expedición de títulos oficiais. Ademais aboarán os prezos non públicos que corresponden aos créditos cursados

do Grao en Turismo no centro adscrito á UDC Escola Universitaria de Turismo-CENP.

Art. 5 *Centro de impartición do ensino*

A impartición das disciplinas deste programa de simultaneidade será de xeito independente á equivalente no grao en Turismo e no grao en Ciencias Empresariais. En consecuencia realizarase en cada cuatrimestre no centro que corresponder segundo as disciplinas que se van impartir.

Art. 6 *Número de estudantes*

O límite será o que oportunamente aprobe o Consello de Goberno, consonte á normativa vixente

Art. 7 *Acceso e admisión de estudantes*

1. Só poderán acceder ao programa de simultaneidade aqueles estudantes que reúnan os requisitos legais de acceso para ambos os graos.
2. A solicitude de admisión para cursar este programa de simultaneidade realizarase polo mesmo procedemento que para o resto de titulacións ofertadas pola Universidade da Coruña.
3. Dado que o Programa de Simultaneidade introducirase de xeito gradual e con grupos de docencia homoxéneos, non poderán solicitar a admisión neste programa aqueles estudantes que estean a cursar, ben o Grao en Turismo ou ben o Grao en Ciencias Empresariais. Isto é, para aqueles alumnos que xa iniciaran un dos dous graos e desexaran cursar de forma simultánea os seus estudos coa outra titulación, rexerán as normas xerais da Universidade da Coruña sobre simultaneidade de estudos. Alternativamente poderán acceder ao primeiro curso do Programa de Simultaneidade se a CIUG lle asigna súa preinscripción.

Art. 8 *Criterios de matrícula*

Os/as alumnos/as de primeiro que cursen estes estudos deberanse matricular a tempo completo. Isto é, o/a estudante matricularase da totalidade dos créditos correspondentes ao primeiro curso.

Os estudantes de continuación de estudos poderán matricularse en cada curso académico entre un número máximo de 84 créditos e un número mínimo de 66 créditos, agás no caso de que a cantidade de créditos necesaria para rematar o programa de simultaneidade fose inferior.

En todo caso obrigatoriamente deberán matricularse dos créditos non superados dos cursos anteriores.

Art. 9. Realización de exames

As convocatorias de exame das distintas disciplinas realizaranse nas datas que determine o calendario oficial nos centros de impartición do ensino, que se axustará ao calendario aprobado polo Consello de Goberno. Os exames poderán ser realizados de xeito diferenciado aos exames do estudiantado matriculado das mesmas disciplinas no Grao en Turismo ou no Grao en Ciencias Empresariais.

Art.10. Abandono dunha das dúas titulacións

1. O estudante que abandone unha das titulacións, deberá notificalo á administración do centro responsable das xestións administrativas, a Facultade de Economía e Empresa.

2. Os/as estudantes, de ser o caso, poderán:

| ☐ Optar, rematado o curso académico, por calquera das dúas titulacións iniciadas sempre que teñan aprobada como mínimo unha disciplina do primeiro curso da titulación que vaian cursar, tendo dereito ao recoñecemento dos créditos de formación básica e aqueles outros superados na titulación pola que optan.

| ☐ No caso de optar pola titulación de Grao en Ciencias Empresariais e

| ☐ non teren superados os créditos de formación básica da rama de coñecemento de Ciencias do Programa de simultaneidade, terán que se matricular dos devanditos créditosOptar por solicitar praza para iniciar os estudos noutra titulación distinta, seguindo as normas e os procedementos de carácter xeral.

3.Os/as estudantes poderán desistir da súa matrícula de acordo co que dispuxer a Normativa de Xestión Académica que se aprobe para cada curso académico.

Art.11. Recoñecementos específicos para estudantes deste Programa de Simultaneidade

Ao alumnado que cursar o Programa de Simultaneidade Grao en Turismo-Grao en Ciencias Empresariais recoñeceráselle os créditos das disciplinas optativas e das obrigatorias non cursadas dos planos de grao en Turismo e do grao en Ciencias Empresariais polos créditos das disciplinas obrigatorias que constan no **ANEXO II** desta normativa, logo de superalas e coa equivalencia en puntos correspondente á cualificación obtida nesas disciplinas obrigatorias.

-O recoñecemento realizarase polo decanato/dirección do centro correspondente. A solicitude do/a alumno/a, logo de ser revisada pola administración do centro, resolverase no momento en que o/a

estudante supere o total de créditos correspondentes ao plano de estudos deste Programa, agás o traballo fin de grao. [Este](#) recoñecemento terá carácter gratuíto.

-Na fase final dos planos de estudos deste Programa, unha vez superados todos os créditos dos tres primeiros cursos, e de acordo coas memorias verificadas de ambos títulos, realizaranse dous Traballos de Fin de Grao nos que serán de aplicación os coñecementos adquiridos en cursos anteriores: un de 12 créditos ECTS no que se acredita que posúe o dominio do conxunto de competencias xerais e específicas do Grao en Ciencias Empresariais e outro de 6 créditos ECTS no que se acredita que posúe o dominio do conxunto de competencias xerais e específicas do Grao en Turismo. Estes traballos de Fin de Grao deberán estar dirixidos por un profesor ou profesores dos departamentos adscritos á Facultade de Economía e Empresa e da Escola Universitaria de Turismo, respectivamente.

Art.12 Expedición dos títulos oficiais de Grao

Os/as alumnos/as deberán solicitar a expedición de cada un dos títulos oficiais: Graduado/a en Turismo e Graduado/a en Ciencias Empresariais, ante as administracións dos centros responsables destes títulos e pagarán, en concepto de expedición de cada título, os prezos públicos establecidos na correspondente tarifa do Decreto da Xunta de Galicia polo que se fixen os prezos correspondentes aos estudos conducentes á obtención de títulos oficiais no ensino universitario.

Os trámites administrativos que se realizarán en cada unha das Administracións mencionadas serán os mesmos que están establecidos con carácter xeral no procedemento de expedición de títulos oficiais.

Disposicións finais

Primeira: a Universidade da Coruña resérvase o dereito de non ofertar, para promocións sucesivas, o Programa de Simultaneidade Grao en Turismo – Grao en Ciencias Empresariais se a demanda destes estudos non se corresponder coa oferta académica anual. Porén, os estudantes matriculados terán garantida a posibilidade de finalizar os seus estudos do dobre grao.

Segunda: corresponderalle á Vicerreitoría con competencias en Titulacións a interpretación e resolución de cantas cuestións xurdiren en aplicación desta normativa.

Terceira:sen prexuízo do establecido nesta normativa, os trámites académico-administrativos relacionados con estes estudos regularanse pola Normativa de xestión académica correspondente a cada curso académico e pola demais normativa académica vixente da UDC que resulte de aplicación.

Cuarta: as presentes normas serán de aplicación no curso académico 2012-2013 e nos sucesivos cursos académicos.

BORRADOR

ANEXO I

		CODIGO	MATERIA	ECTS	TIPO
1º curso	1º cuadrimestre	650G01001	Introdución ao Dereito	6	B
		650G01002	Principios de Microeconomía	6	B
		650G01003	Economía da Empresa: Función Organizativa	6	B
		650G01004	Matemáticas I	6	B
		650G01005	Economía da Empresa: Función Financeira	6	B
		650G01008	Historia da Empresa	6	B
	2º cuadrimestre	662G01004	Xeografía Turística	6	B
		662G01005	Técnicas de Comunicación e de Promoción Turísticas	6	B
		662G01006	Idioma Moderno: Inglés	6	B
		662G01007	Patrimonio Cultural	6	B
		662G01008	Informática de Xestión e do Coñecemento	6	B
		662G01009	Introdución ao Turismo	6	O
2º curso	1º cuadrimestre	650G01006	Dereito Mercantil	6	O
		650G01009	Estatística I	6	B
		650G01010	Matemáticas II	6	B
		650G01014	Análise das Operacións Financeiras	6	O
		650G01015	Macroeconomía	6	B
		650G01020	Informática Aplicada á Empresa	6	O
	2º cuadrimestre	662G01013	Intermediación Turística e Transporte I	6	O
		662G01014	Aloxamentos e Restauración I	6	O
		662G01015	Primeiro Idioma Moderno I	6	O
		662G01016	Márketing Turístico	6	O
		662G01001	Introducción á Socioloxía	6	B
		662G01019	Segundo Idioma Moderno I	6	O
3º curso	1º cuadrimestre	650G01007	Economía Mundial e Española	6	O
		650G01011	Réxime Fiscal da Empresa I	6	O
		650G01013	Contabilidade Financeira I	6	O
		650G01016	Organización de Empresas	6	O
		650G01022	Bases de Datos para a Empresa	6	O
		650G01018	Estatística II	6	O
	2º cuadrimestre	662G01021	Intermediación Turística e Transporte II	6	O
		662G01022	Aloxamentos e Restauración II	6	O
		662G01023	As TIC Aplicadas ao Turismo	6	O
		662G01018	Recursos Territoriais Turísticos	6	O
		662G01028	Primeiro Idioma Moderno II	6	O
		662G01029	Segundo Idioma Moderno II	6	O
4º curso	1º cuadrimestre	650G01019	Dirección Financeira I	6	O
		650G01017	Contabilidade Financeira II	6	O
		650G01021	Réxime Fiscal da Empresa II	6	O
		650G01026	Dereito do Traballo e da Seguridade	6	O

			Social		
		650G01023	Contabilidade de Custos	6	0
		650G01024	Introducción á Econometría	6	0
	2º cuatrimestre	662G01031	Comercialización de Produtos Turísticos	6	0
		662G01032	Xestión Pública do Turismo	6	0
		662G01033	Xestión de Calidade	6	0
		662G01025	Xestión Turística do Patrimonio	6	0
		662G01034	Segundo Idioma Moderno III	6	0
5º Curso	1º cuatrimestre	650G01025	Dirección Financeira II	6	0
		650G01027	Réxime Fiscal da Empresa III	6	0
		650G01028	Sistema Financeiro Español	6	0
		650G01030	Contabilidade de Sociedades	6	0
		650G01031	Análise de Estados Financeiros	6	0
	2º cuad.	650G01043	Traballo Fin de Grao	12	0
		662G01037	Traballo Fin de Grao	6	0
		662G01036	Prácticas en Empresas	24	0

ANEXO II

- a) Os créditos das seguintes materias obrigatorias de Grao en Turismo recoñeceranse polos seguintes créditos obrigatorios do Grao en Ciencias Empresariais:

Materia obligatoria de Grao en Turismo	Materia obligatoria do Grao en CC. Empresariais pola que se reoñece
Contabilidade Financeira	Contabilidade Financeira I
Contabilidade de Custos	Contabilidade de Custos
Fiscalidade Turística	Réxime Fiscal da Empresa I
Análise de Estados Financeiros	Análise de Estados Financeiros
Métodos e Técnicas de Investigación no Turismo	Introdución á Econometría

- b) Os créditos das seguintes materias obrigatorias de Grao en Ciencias Empresariais recoñeceranse polos seguintes créditos obrigatorios do Grao en Turismo:

Materia obligatoria de Grao CC. Empresariais	Materia obligatoria do Grao en en Turismo pola que se reoñece
Inglés Empresarial	Primeiro Idioma Moderno I
Prácticas	Prácticas en Empresas

- c) Os créditos das disciplinas optativas do Grao en Turismo recoñeceranse pola superación dos créditos das seguintes disciplinas obrigatorias do Grao en CC. Empresariais:
- Réxime Fiscal da Empresa II
 - Bases de Datos para a Empresa
 - Contabilidade de Sociedades
- d) Os créditos das disciplinas optativas do Grao en CC. Empresariais recoñeceranse pola superación dos créditos das seguintes disciplinas obrigatorias do Grao en Turismo:
- Márketing Turístico
 - As TIC Aplicadas ao Turismo
 - Primeiro Idioma Moderno II
 - Comercialización de Produtos Turísticos
 - Xestión de Calidade